



# Tuhaqtauyukhaq

## Nunavut ilauliqtuq Vancouver 2010-mi Ulapqiatigiiktunut ikayuqhuni Aviktuqhimayuq

**Iqaluit, Nunavut (Julai 8, 2009)** – Avaliiqhutik 7 tatqihqiutit Angmaqtaulirutaanut Vancouver 2010-mi Ulapqiniryuami Ukiumi, Nunavut ilauliqtuq aliahuutaayumut. Nunap aallangania pitquhiata takupkaqtitauniaqtuq hilaryuamiutanut ulapqiliqqata paannariikkamik angiqatigutikkut sainiqhimayaat Ulapqiniryuakkut ihuaqhaiyit ikayuqhuni nakuutjutaanut Kanatami Ulapqiniryuami Ulapqiatigiiktunut.

Alianarnia Ulapqiniryuap Timimullu Ayuqhautiqaqtut Ulapqiniat takunnaqtuq uplumi Hivuliqti Eva Ariak unalu Pivalliyuliyiyitkut Ingilrayuliyiyitkunnnullu Minista Peter Taptuna katiqatigiyaat Taleeb Noormohamed, Aulapkaayi Upalungaiyarvingmi Paannariingnikkullu uvunga Vancouver Ihuaqhaiyit 2010-Ulapqiniryuami Timimut Ayuqhautiqaqtullu Ulapqiviani Ukiumi (VANOC-mik naittyumik taiyaat), uqarahuaqhutik Nunavut ilauliqtuq VANOC-kunnut Aittuqhuni Nunauyuq (CPTP-mik taivagaat).

“Quviahuktunga Nunavut ilauniarmat aitturluni 2010-mi Ulapqiniryuamut Ukiumi, ” uqaqtuq Hivuliqti Eva Ariak. “Aittuuptigtut takunnarniaqtuq hanaugaptingnik pitquhiptingniklu uvani Vancouver 2010 Cultural Olympiad-mi. Nunavummiut ikayurniaqtaat ulapqiniq quviahuutigilugulu Ulapqioniryuap ikualaaqtua tigumiaqtauyukhaq hanitqumuuqqat nunapta Nuvaippa 5, 2009mi.”

“Quyagiumayavut Nunvunmiut aitturmata Kanatamiunik ulpaqiyaqtuqtunik akhuurutigingmagulu munariyaqqt,” uqaqtuq John Furlong, Atan’nguyauulluaqtuq VANOC-kunnut. “Taamna nuna ilingannittuq aallangayuniklu pitquhiqaqhuni takunnaqtunik hanaugainni pitquhiinnilu – Naahuriyaqqt una quviahuutauyukhaq takupkariangani Nunavut hilaryuamiutanut.”

Ilanga \$168 taussat taalamit ikayuutanit Nunavut, \$84,000 taalaq tuniyauniaqtuq Own the Podium 2010-mi atuqtakhaanut (Nangirvikhaanut Akimahimayut), ikayuqpagait Kanatamiut ulapqiyaqturiangani upalungaiyautikhainnik, unalu \$84,000 taalaq tuniyauniaqtuq piyaangani nuna aallatqiinik piyakhanik pivalliatjutikhanik ilauniagut VANOC-kut paannariingniagut.

“Aliahuktugut Nunavut ilauniarmat Vancouver 2010-mi Ulapqiniryuami Ukiumi aatjikkutaqanngitturlu tigumiarnia ikulaaqtumik,” uqaqtuq Minista Peter Taptuna. “Ulapqiniryuami Ikualaaqtuq tigumiaqtakhaq aullaarniaqtuq 6,630 kilaamitanik nunakkut imakkullu nunaptingni, tigumiaqtuqarluni 90-nik pinghunut nunallaanungauluni, Iqalungnut, Qausuitturmut nunagiyaralu Kugluktumut. Ikualaaqtuq tigumiaqtauyukhaq Kanatap Anguyaqtiita nunaaniinniaqtuq Alert-mi, hivuniittuq avaliittuq nunagiyauyuq hilaryuami.”

###

### **Kangiqhittiarumagungni, hivayatjavat:**

Matthew Illaszewicz

Atan’nguyaq, Tuhaqtakhaliqiyitkut

Pivalliyuliyiyitkut Ingilrayuliyiyitkunnnullu

Katie Green

VANOC-kut Tuhaqtakhaliqiyiit

Hivayautaa: (778) 227-6074

Qaritauyakkut: [Katie\\_green@vancouver2010.com](mailto:Katie_green@vancouver2010.com)

Hivayautaal: (867) 975-7818

Qaritauyakkut: [millaszewicz@gov.nu.ca](mailto:millaszewicz@gov.nu.ca)